

BALEFALEKGETHO BA KGOTHALETSWA HO ITOKISETSA SETERAEKE SE TLANG SA DIBANKA

Pretoria, 23 Loetse 2019 - Lekala la dibanka le boletse hore ho na le kgonahalo ya seteraeke ka Labohlano la 27 Loetse 2019.

Boipelaetso bona ho lebelletswe hore bo ka nna ba ba le kgahlamelo hodima ditefo tsa lekgetho le dipusetso tsa lekgetho.

Ditshebeletso tsa Lekgetho tsa Afrika Borwa di rata ho netefatsa hore kgahlamelo ya seteraeke sena hodima ditransekshene tsena ha se e kaalo ho balefalekgetho le ho SARS ka boyona.

Ho fihlella sena, balefalekgetho ba kgothaletswa ho fana ka ditefo tsa bona matsatsi a mabedi a kgwebo pele ho nako ya tlwaelo mme feela jwalo, ba etse ditransekshene dife kapa dife tsa lekgetho tse mabapi le ho leshwa ha SARS, matsatsing a mabedi a kgwebo pele ho nako ya tlwaelo.

Balefalekgetho ba hlokang thuso e nngwe ba ka letsetsa SARS Contact Centre ho 0800 00 7277.